

Mud Volapüka

Nüm 30

28 tobul 2016

Rubrig gramatik

Tän, täno

Konyun „tän“ e ladvärb „täno“ sinifons „pö stip soik“, „klu“, „pos“ e pagebons mödadilo kobo ko konyuns „nü/nu“ ed „if“:

if vilol atosi, **tän** uduinolös etosi = *if* vilol atosi, **klu** (ad getön atosi) mutol duinön etosi = ad getön atosi, mutol duinön etosi = *if* vilol atosi, **ön stip soik** uduinolös etosi

nü evedol vönotavan, kanol *nü* letävön lü baegöp (desepamöp, seböp) **tän** vobön tö mused = anu (nutimo) kü evedol vönotavan, kanol *u* tävön lü baegöp **u** vobön tö mused = kanol **cenö** tävön lü baegöp **e** vobön tö mused

dunön *büo* e vätälön **täno** eblinos ömane liedi gretik = dun *bü* vätäl eblinon **latikumo (posö)** ömane liedi gretik

ävedom **nu** leredik, **täno** violätik = ävedom **balido** leredik, **telido** violätik = ävedom **büo** leredik, **posö** violätik

ävedom **täno** leredik, **täno** violätik = ävedom **büo** leredik, **posö** violätik = ävedom **cenö** leredik **e** violätik = ävedom **dönuamo** leredik **e pos atos** violätik

Tö

Präpod „tö“ jonon stanedi, pladi bosa (spadi kö bos papladon):
stadob de veg **tö** *fagot stepas kil* = stadob **ön** *fagot mö steps kil*
de veg = stadob **pö** *plad kel papladon ön fagot mö steps kil* de veg
lödob, lifob **tö** *zif* = binob *zifan* = lödob **in** *zif*
mens kil komons **tö** *cem* = mens kil komons **in** *cem* = mens kil
komons **pö** *cem* = cem ninakipon (kipädon, ninädon) menis kil
Noet: „tö“ pagebon te pro tops *semik*.
zifans binons mens kel lifons **in** *zifs seimik*
binob *zifan* bi lifob **tö** *zif semik*

Tü, tüi

Präpods „tü“ e „tüi“ jonons timi jena, efe „tü“ pagebon pro tim
kuratik e „tüi“ pro tim täxetik.
tü *soar* = **soaro** = **ün** *soar*
enügolol ini cem **tü** *timül ot kü esnidob* = enügolol **tü** *timül ot kü*
esnidob = enügolol **ed** *esnidob leigüpo (otdüpo)*
tü *timül at* = **anu**
tüi *düp balid* = **täxeto ün** *düp balid* = **tio tü** *düp balid*

Us

Ladväb „us“ jonon pladi kel papladon fagiko de spikan, sevabo
binon taädasinifavöd vöda „is“:
buk topon (seaton) **us** (su tab kel stodon **fagiko de ob**)

golön **usio** ed *isio* = **degolön fagiko de is (de top at)** ed
gegolön (gekömön) lü top at

usao = **de** us = isio

usio = **lü** us

usiö! = isaö! = **kosgololöd!**

usaö! = isiö! = **degololöd!**

Va

Konyun „va“ pagebon pö demodasäk:

labol-li buki at? ni nö, ni si; no sevob **va** labob buki at = no sevob
ibo (jenöfiko-li?) labob *u no labob* buki at
vo-li? = veratiko-li? = no so(iko)-li **va**?

Ve

Präpod „ve“ sinifon „pö, äl zug (kul) lunota bosa“:

veigön **ve** flumed = veigön **bai (ma) flum** flumeda

spatön **ve** lak = spatön **nilü jol** laka



dutevön **ve** fot = dutevön **da** fot

Ven

Ladvärb „ven“ pagebon pö näiset e jonon timi dunama duna u
dinädis ön kel ut dunon („ün, tü tim kü...“):

oreidob buki at **ven** uremob lünäti nulik = oreidob buki at **ün/tü**
tim kü (posä) uremob lünäti nulik

Sevols-li, das ... Kambocän



1) Kambocän binon län in Siyop. Län päkoupon fa Yapän de yel 1942 jü 1945. Ün yel 1953id ut idageton libi de Fransän. De yel 1967 jü 1975 sifanakrig äjenon pö län ini kel Vietnamäns nolüdik e sulüdik ä Lamerikän liföfiko vükömons (vüikons). Samo, tüpü yels de 1968 jü 1973 flitöms Lamerikänik ijedons su län boum mö tuons 539129 (tuons 13 a kvadamilmet alik).



2) El „Angkor Vat“ (el „អង្គរវត្ត“ - „tem el ‚Angkor‘“) pebepenöl löpo su magod binon bumäd kultik gretikün vola e beseidon spadädi labü gretot mö mets 1500 pö vidot e mets 1270 pö lunot.

3) Lafab Kambocänapüka (ela „Khmer“) binon lafab gretikün vola (tonats 72).

4) Vöd „si“ papronon fa mans e voms pö Kambocän difiko.

5) Stän Kambocäna picenon de yel 1863 jü 1999 degna.

6) Läk Kambocänik el „Tonlesap“ („បឹងទន្លេសាប“ - „läk flifavatik

gretik“) binon läk gretikün tinisula Lindän-Tsyinänik. Sürfat läka nepluükön mö laf ünü säsun nenreinöfik (de novul jü mayul). Ma mödot bidas fita läk nepluon te flumedi el „Amazonas“.

7) Kambocänans mödik labon nemis tel. Nem balid pagebon te pö famül e telid lo votikans plödü dom.

8) Kambocän binon motedalän kanitana jiel ‚Ros Sereysotea‘ (រស់ សេរីសុទ្ធា) kel, äsi pluamanum menas benodistik (küpädik) Kambocäna, pidasasenof (pideidof) ünü datimäd ela „Kambocänans redik“ (ខ្មែរក្រហម - „Kmae Krahaam“).



Säkis, küpetis e lofotis aliks ä materis e volanuns nitediks kanols lüsedön lü penedabog «komunan@yandex.ru».